

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 11-10-2022**

**Mødedato** Tirsdag d. 11. oktober 2022 kl. 18:00

**Mødested** Kommunalbestyrelsep ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	6
Suliat Isumaginninnermut, Suliffeqarnermut Inuussutissarsiornermullu Ingerlatsivimmut attuumass	10
Oqartussaaffeqarfiup angusai sullissinermilu anguniagai - 3 kvartali 2022.....	15
2023-mi suliat allaaserineqarneri.....	18
Lukket.....	21
Oqaluuserisassanut tapiliusseq: Ulloq unnuarlu paaqqinnittarfimmut inissiinerup allanngortinneqari	22
Oqaluuserisassanut tapiliusseq: 2023-mi politikkikkut ataatsimiiffissat.....	24
Taasariaqartut allat.....	26
Imaqarniliap akuerineqarnera.....	27

## **Punkt .: Saqqaa**

### **Ilaasortat:**

Inge Olsvig Brandt (IA) *Siulittaasoq*

Lone Rosengreen Pedersen (IA) *Siulittaasup tullia*

Harald Bianco (IA)

Poul Petersen (D)

Mala Høy Kúko (S)

### **Beslutning**

Ataatsimeeqataasut:

Inge Olsvig Brandt (IA), *Siulittaasoq*

Charlotte Ludvigsen (IA), *Harald Bianco-mut sinniisoq*

Poul Petersen (D)

Takkussinnaanatik nalunaartut:

Lone Rosengreen Pedersen (IA), *Siulittaasup tullia*

Harald Bianco (IA)

Mala Høy Kúko (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

# Punkt .: Nalunaarutit

## Beslutning

Ingerlatsivimmiit:

### **Inunnut innarluutilinnut aamma Tarnimikkut nappaatilinnut Immikkoortortaqarfik**

Inuit innarluutillit pillugit sap. ak. sammisassaqtitsisarneq Inunnut innarluutilinnut aamma Tarnimikkut nappaatilinnut Immikkoortortaqarfimmit 2022-mi sivitsorneqarpoq, taamaalilluni sap. ak. 40-mi aamma 42-mi sammisassaqtitsisoqarluni. Misilittakkat naapertorlugit sammisassarpasuit sap. ak. ataasiinnarmi ingerlanniartarneri innuttaasunut inissakilliornartuusarput. Taamaammat suliniutitsialaap ukioq manna sivitsorneqarnissaa aalajangiunneqarpoq taamaalillutik sap. ak. assigiinngitsuni ataatsimut sammisassaqtinneqalerlutik, soorluttaaq najugaqatigiiffinni ataasiakkaani, sammisassaqtitsivinni assigisaannilu immikkut sammisassaqtitsisoqartarumaartoq. Ukioq manna najugaqatigiiffinni tamani sap. ak. sumiiffimminni sammisaqtitsisassapput. Tamatuma saniatigut neqeroorutaasuni assigiinngitsuni ataatsimut sammisassanik arlalinnik aqqissuussisoqassaaq: Aalisariarneq, isiginnaartitsisarfimmut isiginnaariarneq allarpasuillu.

Sammissaqtitsinerit ammasut ataatsimiititamut ilaasortatut alakkarsinnaasasi tassaapput:

Sapaatip-akunnera 41:

Tallimangorneq 14. oktobari – Ataatsimoorluni sammisaqatigiinneq: OCN-imut uppersaatitunik tunniussineq nal. 13:00-15:00 – Illorput

Sapaatip-akunnera 42:

Tallimangorneq 21. oktobari – Sammissassat ataatsimoortut: Inuit innarluutillit pillugit sap. ak. sammisaqtitsinerup naggaserneqarnera 12:00-15:00 – Illorput

# **Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

## **Beslutning**

Ilisimatitsissut tusaatissatut tiguneqarpoq.

## **Bilag**

Suliffissaaleqisut kisitsisaannut takussutissiat

## Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2022-07717

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2022-mi aggustimut tunngavoq.

### Nuuk

Suliffissaaleqineq aasaanerani aal akkaasuuvoq, Majoriami inatsit tunngavigalugu suliat ataavartumik ingerlanneqartarlutik. Suliffissaaleqisunut, siusinaartumik soraarnerussutisiaqalernissamik qinnuteqaateqartunut siusinaartumillu pensionisialinnut ukiaanerani suliniutit assigiinngitsunut piareersarnerit, nalilersoqqinneqartussat aallartinneqareerput. Inuusuttut 14-it 30-t sinnerlugit ukiullit suliffissaaleqisut, piginnaangorsaqqinnissamut innersuunnearput, FA.

### Paamiut

Paamiuni suliffissaaleqineq aal akkaasuuvoq, Majoriami inatsit tunngavigalugu suliat ataavartumik ingerlanneqartarlutik. Suliffissaaleqisunut, siusinaartumik soraarnerussutisiaqalernissamik qinnuteqaateqartunut siusinaartumillu pensionisialinnut ukiaanerani suliniutit assigiinngitsut, nalilersoqqinneqartussat aallartinneqareerput.

### Tasiilaq

Tasiilami suliffissaaleqineq suli aal akkaasuuvoq, tamannali aasaanerani peqquteqarpoq, Majoriami inatsit tunngavigalugu suliat ataavartumik ingerlanneqartarlutik.

Suliniutit ilusaat nutarterneqassaaq, ingerlatsinerit assigiinngitsut taakkuninnga suliamik ingerlatsineq pitsaangorsarniarlugit. Aasaq nunaqarfinnut tikeraarneq malitseqartinniarlugi nunaqarfinnut tikeraarnissaq pilersaarutigineqarpoq.

### Ittoqqortoormiit

Ittoqqortoormiuni suliffissaaleqineq aal akkaasuuvoq, Majoriami inatsit tunngavigalugu suliat ataavartumik ingerlanneqartarlutik.

### Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqineq suli appariatorpoq, tamannalu ukiup qanoq ilineraniq pissuteqarmat naatsorsuutigineqareerpoq. Suliffissarsiuussisarfimmillu ukiunut kingullernut 2-3-nut sanilliullugu suliffissaaleqisut appariaateqarnerussasut naatsorsuutigineqarpoq, tassa suli suliffissaaleqisut 2019-imut, 2020-mut aamma 2021-mut sanilliullugit appasinnerummata. Takuuk ilanngussami takussutissat 1 aamma 2.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut amerlanerusut suliffittaarnissaannut innersuunneqartarnissaat suli sulissutigineqarpoq.

Matumani piffissami innersuunneqarsimasunut nalunaarsuinerit tulliuuttumi takuneqarsinnaapput.

Innersuussisarnerit suli tassa

sammisassaqartitsinerimut tunngapput, tamannalu

2022-imi ukkatarineqarluarpoq. Anguniagaavoq

suliffissaaleqisut piginnaasaasigut ineriartortinneqarnerisa kingunerisaanik (pikkorissaanerit il. il.)

suliffeqarfiillu suleqatiginerisigut suliffissaaleqisut amerlanerit kommunip illoqarfiini nunaqarfiinilu

sulilersinnissaat, aammalu inuusuttut suliffissaaleqisut Majoriap neqeroorutaannik

ingerlatsinissaannut innersuunneqartarnissaat.

Sumiiffissaq	2022-mi aggustimi innersuussat amerlassusiat
Nuuk	39
Paamiut	4
Tasiilaq	1
Ittoqqortoormiit	0
Nunaqarfinni tamani	0

Matchgruppinit agguataarinerit naatsorsorneqarnerat

Matchgruppinit nalilersuisartut pingaartumik suliffissaaleqisut matchgruppe 2-miittut pillugit suli ingerlapput qaammatinilu tulliuuttuni ingerlassallutik. Taamaaliortoqassaaq iliuusissanik

pilersaarutininik malitseqartitsinissaq pillugu aggersaanikkut kingornalu qulaajaavigineqartussatut

innersuussat, tassanilu sulinerimik misiliinissamut pilersaarutit ilaapput. Taamaaliornikkut

suliffissaaleqisut tarnikkut timikkullu sulisinnaassusaat piviusumik takuneqarsinnaalissapput.

Ilanngussami takussutissiaq 3 takuuk.

Avataaniit suliarortut naatsorsorneqarnerat

	August
Akuersissutit amerlassusiat	29
Itigartitsissutit amerlassusiat	4
Sivitsuinerit amerlassusiat	15
Taamaatitsinerit amerlassusiat	0
<b>Aalajangiinerit katillugit</b>	<b>48</b>

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarnera

Majoriaq inuusuttunut 16-30 akornanni ukiulinnut ujartuilluni

ilitsersuinerimik suliaqartarpoq. Ujartuilluni ilitsersuinerit sullinniakkat inuusuttuupput

suliffissaaleqisut aammalu ilinniakkamik ingerlatsinngitsut, kisiannili Majoriami suliffissaaleqisutut

nalunaarsorneqarsimanngitsut. Kommunimi tamarmi ujartuilluni siunnersuineq aallartinneqarpoq.

**Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut

kiisalu suliffeqanngikkallarnermi pisartakkanut aningaasartuutitut aningaasaqarnikkut

sulisoqarnikkullu sunniuteqartarput.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviumik uppernarsaatitalit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

## **Ilannussat**

1. Suliffissaaleqisut kisitsisaannut takussutissiat

**Punkt 2: Suliat Isumaginninnermut, Suliffeqarnermut  
Inuussutissarsiornermullu Ingerlatsivimmut attuumassuteqartut  
Isumaginninnermi Naammagittaalliuuteqartarfimmeersut**

**Beslutning**

Ilisimatitsissut tusaatissatut tiguneqarpoq.

# Suliat Isumaginninnermut, Suliffeqarnermut Inuussutissarsiornermullu Ingerlatsivimmu attuumassuteqartut Isumaginninnermi Naammagittaalliuuteqartarfimmeersut

3. kvartali 2022

Ilisimatitsissut

SagsID.: EMN-2022-07694

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamat inassuteqaatigaa:

- ilisimatitsissut tusaatissatut tiguneqassasoq

## Suliamik saqqummiussineq

3. kvartali 2022-imi Isumaginninnermut, Suliffeqarnermut Inuussutissarsiuuteqarnermullu

Ingerlatsivik Isumaginninnermi Maalaaruteqartarfimmit aalajangiinernik 27-nik tigusaqarpoq.

Piffissami tamatumani innuttaasut ima amerlatigisut pisortanit ikiorsiissutinik pisartagaqarsimapput:

Ikiorsiissut	Ikiutinik pisartagallit amerlassusaat
Ernereermermi ullormusiat	121
Ineqarnermut akiliummut tapiissutit	1.384
Siusinaartumik pensionisiallit	940
Utoqqalinersiat	1.203
Pisortat ikiorsiissutaat ineqarnermut akiligassat ilanngullugit	983
Suliffeqanngikkallarnermi ikiorsiissutit	93
<b>Katillugit</b>	<b>4.724</b>

Paasisutissat AX-miit ulloq 12. septembari 2022 aaneqarput.

Suliat Isumaginninnermik Naammagittaalliuuteqartarfimmeersut ima agguataarsimapput (KS = Kommuneqarfik Sermersooq):

Suliap suussusaa	Kommune ilalerneq arpoq	KS-ip aalajangiinera atorunnaarsinneqarpoq/allanngortinneqarpoq innuttaasoq ilalerneqanngikkaluartooq	Atorunnaarsinn eqarpoq	Utertinneqartut	Innuttaasooq ilalerneq arpoq
Erninnermi sulinngiffeq arnerit	1		1		
Ineqarnermut akiliummut tapiissutit			1		
Siusinaartumik pensionisiallit	1	1	2		
Utoqqalinersiat	2			3	




<b>Pisortanit ikiorsiissutit</b>	1		3	4	
<b>Suliffissaale qisunik ikiorsiineq</b>	1		3	1	
<b>Allat</b>			2		
<b>Tamakkerlu git</b>	<b>6</b>	<b>1</b>	<b>12</b>	<b>8</b>	

Takussutissami takuneqarsinnaasutut, Isumaginninnikkut maalaartarfimmit Isumaginninnermut Suliffeqarnermut Isumaginninnermullu Ingerlatsivik suliani 6-ini ilalersimavaat; suliani 8-ini utertinneqarput suliareqqitassanngortinneqarlutik; , suliani 0-ini innuttaasoq naammagittaalliuuteqarnermini ilalernerqarsimavoq, sulianilu 1-ini DSA ingerlatsiviup aalajangiineranik atorunnaarsitsisimavoq imaluunniit allanngortitsisimavoq.

Isumaginninnikkut Naammagittaalliuuteqartarfimmit aaliangikkanut tunngasut ineriartortinneqarnerat – Kommuneqarfik Sermersooq

Takuuk figur-imi piffissap ingerlanerani Isumaginninnikkut Naammagittaalliuuteqartarfimmi aaliangikkat ineriartornersimanagerat. Piffissap ingerlanerata ilaani aaliangikkat taama amerlatigisimangillat. Assersuutigalugu 4 kvartal 2020-imi aalajangiiffigisat arfineq marluinnaasimapput 1. kvartali 2022-imi aalajangiiffigisat qaffariarsimanagerat takuneqarsinnaalluni. Tamatuma naammaagittaalliuutit amerlanerulersimanagerat takutinngilaa kisiannili naammagittaalliuuteqartarfiup sulianut uninngasuutigisanut sukumiisumik iliuuseqarsimanageranik tamanna tunngaveqarluni. Tamanna maannakkut angusimavaat taamaalilluta takusinnaalerparput aaliangiiffigisassat appararsimanagerat.

Aammattaaq maluginiaqqunarpoq kommunip aaliangiineranut isumaqataanerit amerlanerat. Isumaginninnikkut Naammagittaalliuuteqartarfiup aalajangiinerisa ineriartornerat.



### Aalajangiinerit nassuiaataat

Isumaginninnermut Naammagittaalliuuteqartarfiup Suliffeqarnermut Isumaginninnermullu Ingerlatsiviup aalajangiineranik atorunnaarsitsineranut allannguisimaneranulluunniit pissutaasinnaavoq, Suliffeqarnermut Isumaginninnermullu Ingerlatsiviup aalajangenera DSA-p kukkusutut atorsinnaanngitsutulluunniit nalilerpagu, innuttaasoq naammagittaalliuutimini ilalerneqarsimannngikkaluarteq. Assersuutitut taaneqarsinnaavoq, Suliffeqarnermut Isumaginninnermullu Ingerlatsivik siusinaartumik pensionisiaqalertussaannngitsumut siusinaartumik pensionisiaqalersitsisimappat.

Sulianik utertitsineq isumaqarpoq, suliata Suliffeqarnermut Isumaginninnermullu Ingerlatsivimmut suliakkiissutigineqaaqittut. Tassunga pissutaasinnaavoq, suliata paasissutissat amigarsimasut, taamaalilluni Isumaginninnermi Naammagittaalliuuteqartarfik aalajangiisinnaanani. Taamaattumik ingerlatsiviup suliataq suliareqqissavaa, tamannalu aalajangiisimanerup assinganik kinguneqarsinnaavoq imaluunniit nutaamik aalajangiisoqarluni.

Utertitsinnermut pissutaasut amerlasoorsuusinnaapput. Assersuutigalugu innuttaasumit paasissutissat amigaataappata nutaanilluunniit paasissutissanik takkuttoqarsimappat.



Imaassinnaavorluunniit kommune qinnuigineqartoq aalajangiineq annertunerusumik tunngavilersoqqullugu.

Utertitsineq tunngaviusumik pissuteqarpat, Suliffeqarnermut Isumaginninnermullu Ingerlatsivimmit malinnaavigineqassaaq utertitsineq sulianut assingusunut suleriaatsimik allangortitsinissamut qanoq pissutissiitiginersoq.

Nalinginnaasumik Suliffeqarnermut Isumaginninnermullu Ingerlatsiviup DSA-mi aalajangikkat malinnaaffigisorujussuusarpai. Taamaattumik Suliffeqarnermut Isumaginninnermullu Ingerlatsivimmi DSA-mi aalajangikkat malinnaaffiginiarlugit ingerlatsivimmi sulisut pingaarnerit aalajangersimasumik ataatsimiittarput.

DSA siornatigumut naleqqiullugu nutaamik suliareqqitassanngortitsilluni amerlanerusunik utertitsisarloq. Suliat utertinneqartartut ikilisarneqarnissaat Suliffeqarnermut Isumaginninnermullu Ingerlatsiviup anguniarpaa, taamaaliornikkut suliat eqqortumik, paasinartumik tunngavilersorluakkamillu suliareqarnissaat qulakkeerneruniarlugu.

Innuttaasut ataasiakkaat pisariaqartitaat inatsillu atuuttoq eqqarsaatigalugit aalajangiisarnerit eqqortuunissaat, Isumaginninnermut Suliffeqarnermullu Ingerlatsiviup sullissinerup pitsaassusaa qulakkeerniartuassavaa. Suliat naammassisimasut kisitsisinngorlugit Suliffeqarnermut Isumaginninnermullu Ingerlatsivimmit kvartalikkaarlugit saqqummiunneqartalissapput.

**Ingerlatsivimmit aningaasatigut sulisoqarnikkullu naliliinerit**  
Soqanngilaq.

**Suliffeqarfimmut Kiffartuussivimmit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppernarsaatitalit**

- Isumaginnittoqarfiup aqutsisoqarfik aaqqissuusaaaneralu pillugu Inatsisartut peqqussutaat nr. 11, 2. november 2001-imeersumi § 8, imm. 1 malillugu.

**Ilanngussaq**  
Soqanngilaq.

## **Punkt 3: Oqartussaaffeqarfiup angusai sullissinermilu anguniagai - 3 kvartali 2022**

### **Beslutning**

Ilisimatitsissut tusaatissatut tiguneqarpoq.

## Oqartussaaffeqarfiup angusai sullissinermilu anguniagai - 3 kvartali 2022

Ilisimatitsissut

SagsID.: EMN-2022-07189

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Oqartussaafqarfiup angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

### Suliassamik saqqummiussineq

Oqartussaafqarfiup ulluinnarni sulinermit innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq. Oqartussaafqarfiup matchgruppe 3-miittut iliuusissamik pilersaarusiorneqarnissaata pitsanngorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaangitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamat periarfissaarukkaangata aningasaqarnikkut isumannaatsumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasumut iliuusissatut pilersaaruteqarnissaa piimasaqaataangilaq, innuttaasorli iliuusissamik pilersaarusiornissamat neqeroorfineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarlualuni sullinnissaat pingaaruteqartoq misilittagarineqarpoq, tassungalu siunertamut iliuusissatut pilersaarutit sakuupput pingaaruteqarlunnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarnerat qulakkeerniarlugu malitseqartinneqartarput.

Oqartussaafqarfiup isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasoq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pisinnaasarpoq
- Sillimaffigisassaangitsunik saaffiginnilluni piffissamik inniminniinermit oqaloqateqarnissamat utaqqineq ullunik 14-inik sivisunerussanngilaq
- Ulluni suliffiusuni nal. 8.30-10 sisamangornikkullu nal. 16-17 oqarasuaatikkut saaffiginnittoqarsinnaavoq
- Innuttaasut utoqqaat, pitsorluttut innarluutillilluunniit angerlarsimaffiit isumaginninnermut siunnersortimit orninneqarsinnaapput.

- Isumaginninnermik Sullissivimmi isumaginninnermut siunnersorti pinartoqartillugu pigaartoq saaffiginninnermik tigooraasusarpoq
- Qinnuteqaatit suliarineqarnissaannut utaqqineq ullunik 10-nik sivisunerussanngilaq
- Akiligassat suulluunniit piffissaatillugu akilernerqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusionerfigineqassapput
- Siusinaartumik pensionisiaqalernissamat qinnuteqaatit suliarineqartarnerisa sivikinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumaginninnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutillu. Kommuniq ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisarput

Pisortanit ikiorsiissutisisut amerlassusiat	638
Isumaginninnermik Sullissivimmut saaffiginninnerit amerlassusiat	3.536
Piffissaq eqqorlugu akiliinerit procentinngorlugu naatsorsorneqarneri	95%

#### *Aaqqiissutissatut siunnersuut – suliaticigut naliliineq*

Suliffeqarnermut Isumaginninnermullu Ingerlatsivimmi Oqartussaqaarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussaqaq siunertalimmik anguniakkat kisitsisinngorlugit takussutissaliorqartassasoq.

#### **Ingerlatsivimmit aningaasatigut sulisoqarnikkullu naliliinerit**

Soqanngilaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsitigut tunngavissaq allakkallu tunngaviusumik uppersaatitallit**

Soqanngilaq.

#### **Ilanngussat**

Soqanngilaq.

## **Punkt 4: 2023-mi suliat allaaserineqarneri**

### **Beslutning**

Inassuteqaat akuersissutigineqarpoq.

### **Bilag**

2023-mi Suliat allaaserineqarneri



## 2023-mi suliat allaaserineqarneri

Aalajangiiffigisassaq

SagsiD.: EMN-2022-06054

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- 2023-mi suliat allaaserineqarneri akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigineqarnissaanut ingerlateqqinneqassasoq

### Suliassamik saqqummiussineq

Suliat allaaserineqarneri ukiut tamaasa nutarterneqartassapput politikkikkullu akuerineqarlutik. Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikkikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikkikkut sakkussaallutillu innuttaasunik kiffartuussinnermi ersarissuutisillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

### Aaqqiissutissat siunnersuut – suliatigut naliliineq

2022-mi suliat allaaserineqarnerinut ilanngussaqaartoqarpoq. Tulliuttuni aaqqiissutit pingaarnerit allaaserineqarput.

### Paasissutissat nalinginnaasut

- Suliat allaaserineqarneri ingerlatsivimmit neqeroorutigineqartunut eqquutsinneqarniassammata naleqqussagaapput.
- Suliamik suliaqarnermi piffissaliussat misissorneqarput. Suliffeqarnermut tunngasuni suliffeqanngikkallarnermi ikiorsiissutit pillugit inatsimmut nutaamut naleqqussarniarlugit nutarterneqarput.
- 2023-mi inatsisip nutaap atuutilernissaannut tunngatillugu inatsisitut tunngavissaq misissorneqarpoq immikkoortunilu allannguuteqarfiusuni nutarterneqarlutik.

### Utoqqarnik suliassaqarfik

- Innersuussisarnermi piumasaqaatit ikiorsiissutillu annertussusai ”Utoqqarnut inunnullu innarluutilinnut inissiat naleqqussakkat” innuttaasut pisariaqartitsinerpaat ikiorsiissutinik tunineqarnissaat qulakkeerniarlugu nutarterneqarput.
- ”Nammineq angerlarsimaffigisami isumassorneqarnissamut tapersiisarneq” pillugu ikiorsiissuteqarnissamut tunngavissaq ersarissarneqarpoq, taamaalilluni isumassuisumut piumasaqaatit ersarinnerulerniassammata.
- Innuttaasut utoqqaat innarluutillit ”Sammisassatut neqeroorummut biiliussineq” pillugu innersuunneqarnermillu akeqanngitsumik angallanneqartartut ersarissarneqarpoq.



- Tasiilani "Angerlarsimaffimmi ikiorteqarneq" pillugu ulloq unnuarlu sulisoqarnissaq qulakkeerneqarsinnaanngimmat nutarterneqarpoq.
- Ikorsiissut "Nerisaqartitsineq" pillugu pajussinissamut nammineq najugaq nalunaarutigineqartassasoq piumasaqaataasoq ersarissarneqarpoq.
- Ikorsiissut "Aputaajaaneq" pillugu Kommuneqarfik Sermersuup inissiatileqatigiiffiillu akornanni akisussaaffimmik agguataarineq ersarissarniarlugu kiisalu ikorsiissuteqartarnermut pissutsinut piviusunut naleqqussarniarlugit ersarissarneqarpoq.

#### Inunnut innarluutilinnut aamma tarnimikkut innarluutilinnut tunngasut

- Suliatigut periuuseq pillugu immikkoortoq nutarterneqarpoq.
- Pillorissaasut aammalu timimik sungiusaasut suleqatigiinni sungiusarnerup ingerlanneranut piffissaliussa q nikerarsinnaasunngorlugi suliarineqarpoq, taamaalilluni innuttaasut pisariaqartitsinertik malillugu kiffartuunneqarsinnaaniassammata.

#### Oqartussaaffeqarfik

- Oqartussaaffeqarfimmi sulinermut tunngatillugu Kommuneqarfik Sermersuumi Angerlarsimaffeqanngitsuuneq pillugu periusissaq aamma Angerlarsimaffeqanngitsuuneq pillugu immikkoortumut pilersaarut najoqqutassatut ilanngunneqarput.
- Attaveqarfissanut paasissutissat nutarterneqarput, taamaalilluni innuttaasut Oqartussaaffeqarfimmut toqqaannartumik attavigineqarsinnaassapput.

#### Suliffeqarnermut tunngasut

- Innuttaasut "Piorsaavik"-mi ingerlatsisinnaasut ukiui qaffanneqarput.
- "Piorsaavik"-mi ingerlatat sivilissusai sivikillineqarput, taamaalilluni ikorsiissutinut neqeroortutigineqartartunut piviusunut naleqqussarneqarlutik.
- Suliat allaaserineqarneri "Nikerartumik suliffik" immikkoortumi inatsimmut naleqqussarlugu nutarterneqarpoq.

#### *Ingerlariaqqinnissaq*

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput.

Suliat allaaserineqarneri kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

#### **Ingerlatsivimmit aningaasatigut sulisoqarnikkullu naliliinerit**

Suliat allaaserineqarnerinik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviumik uppersaatitalit**

- o Suliat allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigneqartoq allassimavoq.

#### **Ilanngussat**

1. 2023-mi Suliat allaaserineqarneri

## **Punkt 5: Lukket**

## **Punkt 6: Oqaluuserisassanut tapiliusseq: Ulloq unnuarlu paaqqinnittarfimmut inissiinerup allangortinneqarneranut akuersissut**

### **Beslutning**

Ilisimatitsissut tusaatissatut tiguneqarpoq.

## **Ulloq unnuarlu paaqqinnittarfimmut inissiinerup allangortinneqarneranut akuersissut**

Ilisimatitsissut

SagsID.: EMN-2022-07318

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivimmit Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersumi §48 malillugu innuttaasup Sungiusarfik Aaqamut nissinneqarnissaa akuersissutigineqarpoq.

### **Ingerlatsivimmit aningaasatigut sulisoqarnikkullu naliliinerit**

Inissiineq ukiumut 1.184.790 koruuninik aningaasartuutaassaaq. Angerlarsimaffiup avataanut inissiineq missingersuutinik qaangiiffiussaaq. TB1-imi aningaasaliisoqarnissaa qinnutigineqassaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- o Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq

### **Ilanngussat**

Ilanngussaqaanngilaq.

## **Punkt 7: Oqaluuserisassanut tapiliusseq: 2023-mi politikkikkut ataatsimiiffissat**

### **Beslutning**

Inassuteqaat akuersissutigineqarpoq.

### **Bilag**

2023-mi politikkikkut ataatsimiiffissatut siunnersuutit

## 2023-mi politikikkut ataatsimiiffissat

Aalajangiiffigisassaq

SagsID: EMN-2022-08329

Suliffeqarfimmut Kiffartuussivik – kommunaldirektøri Ole Jacobsen / OJAK

### Inassuteqaat

Suliffeqarfimmut Kiffartuussiviup Suliffeqarnermut Isumaginninnermullu Ataatsimiititamat inassuteqaatigaa:

- ataatsimiititap 2023-mi ataatsimiiffissai akuerineqassasut

### Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Suliffeqarnermut Isumaginninnermullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai."

Suliffeqarnermut Isumaginninnermullu Ataatsimiititap marlunngornikkut nal. 14.00. ataatsimiittarnissaa siunnersuutigineqarpoq. 2023-mi ileqquusumik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2023-mi politikikkut ataatsimiiffissat Naalackersuisunut nassiunneqassapput.

### Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqannigilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

### Inatsisitigut tunngavissaq allakkallu tunngaviusumik uppersaaitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### Ilanngussaq

1. 2023-mi politikikkut ataatsimiiffissatut siunnersuutit

## **Punkt .: Taasariaqartut allat**

### **Beslutning**

Ingerlatsivimmi pisortaq ukiumi 2023-mi ataatsimiititamiit angalanernut tunngatillugu paasissutissiivoq:

Ingerlatsivimmi pisortamiit ataatsimiitamilu ataqatigiissaarisumiit kissaatigineqarpoq ataatsimiititap angalanermut peqataanissaq pillugu siusissukkut ilisimatitsissasoq.

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15.13.